

Headline **Moreh Puisi Dinihari II**
Date **11. Sep 2008**
Media Title **Berita Harian**
Section **Hip**
Circulation **217920**
Readership **2083000**

Language **MALAY**
Page No **19**
Article Size **137** cm2
Frequency **Daily**
Color **Full Color**
AdValue **2439.88**



Dr Ibrahim Ghaffar

Moreh Puisi Dinihari II

MOREH Puisi Dinihari II berkonepkan santai dan berilmu akan diadakan di Sanggar Damai Abadi, Lot 5488 Jalan Iskandar, Kampung Bukit Kapar, Meru, Klang, pada 13 September ini, jam 10 malam hingga menjelang sahur.

Penganjurnya, Dr Ibrahim Ghaffar, berkata penonton bukan saja bakal mendengar deklamasi puisi daripada orang politik, penyair dan penggiat seni, bahkan menikmati hidangan moreh seperti bubur ka cang, pengat ubi, pisang goreng, soto, nasi lemak dan buah-buahan.

"Penonton juga boleh menggoreng sendiri hasil tani seperti pisang, keledek, keladi, ubi dan sukun yang disediakan sepanjang moreh puisi, sekali gus merasai pengalaman baru pada majlis baca puisi," katanya pada satu kenyataan di Kuala Lumpur, baru-baru ini.

Moreh Puisi Dinihari II anjuran Warisan Wong Kampung dengan kerjasama Persatuan Penulis Nasional Malaysia (Pena) ini, diadakan susulan kejayaan program sama pada tahun lalu apabila lebih 100 penyair dan penonton berkumpul pada acara terbabit.

Tahun ini, Ahli Dewan Undangan Negeri (Adun) Meru, Dr Abdul Rani Osman dijangka hadir untuk mendeklamasikan puisi buat pertama kali, selain penyair Pena yang diketuai Datuk Baha Zain, SM Zakir, Mohd Saleeh Rahamad, Shamsudin Othman dan Rahimudin Zahari.

Ibrahim berkata, penyair dari institut pengajian tinggi awam dan swasta bersama-sama pelajar mereka turut hadir seperti Abdul Ghaffar Ibrahim (Agi) dari Universiti Teknologi Mara (UiTM) dan Prof Dr Arbak Othman dari Universiti Putra Malaysia (UPM).

"Malam baca puisi itu turut dihadiri Dr Chew Fong Peng dari Universiti Malaya (UM); Diani Kasian dari Universiti Kebangsaan Malaysia (UKM); Solihin Osman dari Universiti Pengurusan dan Sains (MSU) dan A Rahim Abdullah dari Akademi Seni Budaya dan Warisan Kebangsaan (Aswara)," katanya.

Ahli Kumpulan Anak Alam seperti Datuk Johan Jaaffar, Mustapa Ibrahim, Mariam Abdullah, Pian Habib, Yusof Gajah, Apaai dan Hanapiah Samad juga akan hadir, manakala maklumat lanjut hubungi 019-3261551/019-3361551; Dr Ahmad Razali Yusuf (012-2883737/03-21425824 atau Ismas Saring (019-2692430/03-32501643).